



Trg branilaca Hrasnice bb
71212 Hrasnica
Bosna i Hercegovina
JIB: 4202099330003

Tel: + 387 33 429 360
Fax: + 387 33 429 361
E-mail: adnan.cvijetic@jplidza.b

7964 07

Broj: 01-49-449/20
Hrasnica, 27.05.2020. godine

*Uloženje
BR 36/504
Jafic Eln*

28 -05- 2020

Općina Ilidža
Općinsko vijeće Ilidža

N/R Muhamed Omerović, predsjedavajući

PREDMET: Dostava Prijedloga odluka u vezi sa provođenjem konkursa za imenovanje predsjednika i dva člana Nadzornog odbora JP „Ilidža“ d.o.o.

Poštovani,

U prilogu Vam, radi razmatranja na sjednici Općinskog vijeća Ilidža, dostavljamo slijedeće prijedloge odluka:

- PRIJEDLOG ODLUKE O POSEBNIM USLOVIMA ZA IMENOVANJE PREDSJEDNIKA I DVA ČLANA NADZORNOG ODBORA JAVNOG PREDUZEĆA ZA OBAVLJANJE KOMUNALNIH I DRUGIH DJELATNOSTI OD JAVNOG INTERESA OPĆINE ILIDŽA "ILIDŽA" DRUŠTVO SA OGRANIČENOM ODGOVORNOŠĆU
- PRIJEDLOG ODLUKE O OBJAVLJIVANJU JAVNOG OGLASA ZA IMENOVANJE PREDSJEDNIKA I DVA ČLANA NADZORNOG ODBORA JAVNOG PREDUZEĆA ZA OBAVLJANJE KOMUNALNIH I DRUGIH DJELATNOSTI OD JAVNOG INTERESA OPĆINE ILIDŽA "ILIDŽA" DRUŠTVO SA OGRANIČENOM ODGOVORNOŠĆU.

Također, u prilogu Vam dostavljamo i elektronsku verziju navedenih prijedloga odluka.

Molimo da se navedeni prijedlozi razmatraju na prvoj narednoj sjednici Općinskog vijeća Ilidža.

S poštovanjem,

Alvid Hubijar

predsjednik Skupštine

JP „Ilidža“ d.o.o.



Na osnovu člana 8. tačka 1. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03, 65/13), tačke III. Odluke o posebnim uslovima za imenovanje predsjednika i dva člana Nadzornog odbora Javnog preduzeća za obavljanje komunalnih i drugih djelatnosti od javnog interesa općine Ilidža "ILIDŽA" društvo sa ograničenom odgovornošću (broj _____ od __. __.2020. godine), na prijedlog Skupštine Javnog preduzeća za obavljanje komunalnih i drugih djelatnosti od javnog interesa općine Ilidža "ILIDŽA" d.o.o., Općinsko vijeće Ilidža na __. redovnoj sjednici održanoj dana __. __.2020. godine, donijelo je

ODLUKU

O OBJAVLJIVANJU JAVNOG OGLASA ZA IMENOVANJE PREDSJEDNIKA I DVA ČLANA NADZORNOG ODBORA JAVNOG PREDUZEĆA ZA OBAVLJANJE KOMUNALNIH I DRUGIH DJELATNOSTI OD JAVNOG INTERESA OPĆINE ILIDŽA "ILIDŽA" DRUŠTVO SA OGRANIČENOM ODGOVORNOŠĆU

I. Predmet javnog oglasa

Ovom Odlukom Općinsko vijeće Ilidža, u svojstvu odgovornog javnog službenika, objavljuje javni oglas za imenovanje predsjednika i dva člana Nadzornog odbora Javnog preduzeća za obavljanje komunalnih i drugih djelatnosti od javnog interesa općine Ilidža "Ilidža" društvo sa ograničenom odgovornošću (u daljem tekstu: JP "Ilidža" d.o.o.).

II. Opis pozicije

Nadzorni odbor JP "Ilidža" d.o.o.:

- predlaže Skupštini donošenje Statuta, njegovih izmjena i dopuna,
- priprema poslovničke i druge opće akte i predlaže ih Skupštini,
- priprema Etički kodeks i predlaže ga Skupštini,
- imenuje i razrješava članove Uprave,
- predlaže Skupštini kandidate za Odbor za reviziju,
- razmatra i nadzire postupak javne nabavke i ocjenjuje njegovu usklađenost za pravnim propisima u oblasti javnih nabavki,
- predlaže Skupštini način raspodjele dobiti,
- daje upute direktoru za provedbu preporuka u vezi sa uočenim nepravilnostima,
- utvrđuje stimulatívne mjere za poboljšanje i vrednovanje u okviru Preduzeća,
- nadzire Upravu u primjeni preporuka danih od strane Odbora za reviziju i vanjskoga revizora u utvrđenim vremenskim rokovima,
- donosi Poslovnik o radu Nadzornog odbora,
- utvrđuje prijedlog godišnjeg, trogodišnjeg, i revidiranog Plana poslovanja, i dostavlja ga Skupštini na odlučivanje,
- usvaja Izvještaj Uprave o poslovanju sa finansijskim izvještajima po polugodišnjem i godišnjem obračunu, sa bilansom stanja i bilansom uspjeha, a na osnovu prethodno datog mišljenja Odbora za reviziju,
- podnosi Skupštini godišnji izvještaj o poslovanju Preduzeća sa finansijskim izvještajem, koji obavezno uključuje Izvještaj revizora, Izvještaj o radu Nadzornog odbora i Odbora za reviziju,
- razmatra prijedlog Uprave o raspodjeli dobiti, a po prethodno datom mišljenju Odbora za reviziju i predlaže Skupštini donošenje Odluke,
- razmatra prijedlog Uprave o načinu pokrića gubitaka a po prethodno datom mišljenju Odbora za reviziju i predlaže Skupštini donošenje Odluke,
- utvrđuje cijenu pratećih usluga koje Preduzeće obavlja.

Rad Nadzornog odbora, pripremanje sjednica, sazivanje, način rada i odlučivanja, uređeni su Poslovníkom o radu Nadzornog odbora.

III. Mandat

Nadzorni odbor imenuje Skupština JP "Ilidža" d.o.o. na period od četiri godine, sa mogućnošću ponovnog izbora. Članovi Nadzornog odbora imaju pravo na nadoknadu za svoj rad, čiji iznos određuje Skupština JP "Ilidža" d.o.o.

IV. Uslovi za pozicije

Kandidati za poziciju predsjednika i dva člana Nadzornog odbora JP "Ilidža" d.o.o. moraju ispunjavati sljedeće opće i posebne uslove:

Opći uslovi:

- a) da je državljanin Bosne i Hercegovine (dokaz: uvjerenje o državljanstvu);
- b) da je stariji od 18 godina (dokaz: rodni list);
- c) da nije osuđivan za krivično djelo i za privredni prijestup nespojiv sa dužnošću u Nadzornom odboru, 5 godina od dana pravosnažnosti presude, isključujući vrijeme zatvorske kazne i da se protiv njega ne vodi krivični postupak (dokaz: izjava potpisana i ovjerena od strane nadležnog općinskog organa);
- d) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije dana objavljivanja ovih upražnjenih pozicija (dokaz: izjava potpisana i ovjerena od strane nadležnog općinskog organa);
- e) da se na kandidata ne odnosi član IX tačka 1. Ustava Bosne i Hercegovine (dokaz: izjava potpisana i ovjerena od strane nadležnog općinskog organa);
- f) da nije izabrani zvaničnik, nosilac izvršnih funkcija ili savjetnik ili u smislu odredaba Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08), (dokaz: izjava potpisana i ovjerena od strane nadležnog općinskog organa).

Posebni uslovi:

- a) da ima visoku stručnu spremu VII stepena, odnosno visoko obrazovanje prvog ili drugog ili trećeg ciklusa Bolonjskog sistema studiranja (dokaz: univerzitetska diploma ili uvjerenje o diplomiranju);
- b) da ima najmanje tri godine staža u struci (dokaz: potvrda ili uvjerenje);
- c) da je prošao odgovarajuće usavršavanje u skladu sa Zakonom o privrednim društvima („Sl. novine Federacije BiH“, broj 81/15) i Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala iz nadležnosti Kantona Sarajevo („Službene novine Kantona Sarajevo“, br. 34/19), odnosno da preuzima obavezu da usavršavanje obavi u roku predviđenom navedenom Uredbom (dokaz: Certifikat o završenom usavršavanju izdat od strane nadležnog organa/Komore ili Izjava potpisana i ovjerena od strane nadležnog općinskog organa ili od strane notara kojom kandidat izjavljuje da preuzima obavezu da usavršavanje obavi u roku od jedne (1) godine od dana imenovanja na poziciju);
- d) da nema privatni finansijski interes u JP "Ilidža" d.o.o. (dokaz: izjava potpisana i ovjerena od strane nadležnog općinskog organa).

V. Potrebni dokumenti

Kandidati su dužni na propisanom obrascu prijave, koji je sastavni dio ove odluke, priložiti original dokumente ili ovjerene kopije dokumenata, koji su dokaz o ispunjavanju općih i posebnih uslova

traženih ovim oglasom. Obrazac prijave kandidati mogu podići u zgradi Općine Ilidža, Centar za pružanje usluga građanima općine Ilidža, ul. Butmirska cesta br. 12, kao i na WEB stranici Općine www.opcinailidza.ba.

Kandidat koji bude imenovan na jednu od navedenih pozicija po ovom javnom oglasu, dužan je pribaviti uvjerenje nadležnog suda da nije osuđivan za krivično djelo i za privredni prestup pet godina od dana pravosnažnosti presude, isključujući vrijeme zatvorske kazne kao i uvjerenje nadležnog MUP-a o nekažnjavanju i isto dostaviti Upravi JP "Ilidža" d.o.o.

VI. Objavljivanje i rok za podnošenje prijava

Ovaj javni oglas objavit će se u "Službenim novinama Federacije BiH", dnevnom listu "Oslobođenje" i web stranici Općine Ilidža. Rok za podnošenje prijava je 15 dana od dana posljednjeg objavljivanja.

VII. Dostava prijava

Prijave sa potrebnom dokumentacijom mogu se dostaviti u zatvorenoj koverti neposredno putem Centra za pružanje usluga građanima općine Ilidža ili preporučeno poštom na adresu:

OPĆINA ILIDŽA - OPĆINSKO VIJEĆE ILIDŽA
KOMISIJA ZA IZBOR, IMENOVANJA I PITANJA RAVNOPRAVNOSTI SPOLOVA
ul. Butmirska cesta br. 12, 71210 Ilidža

uz naznaku: "Prijava na javni oglas za imenovanje predsjednika i dva člana Nadzornog odbora JP "Ilidža" d.o.o. - NE OTVARATI".

Neblagovremene i nepotpune prijave neće se uzeti u razmatranje.

VIII. Nadležnost Komisije za izbor, imenovanja i pitanja ravnopravnosti spolova

Zadužuje se Komisija za izbor, imenovanja i pitanja ravnopravnosti spolova da u skladu sa Zakonom o ministarskim, vladinim i drugim imenovanjima Federacije Bosne i Hercegovine provede navedenim Zakonom propisanu proceduru po ovom javnom oglasu i dostavi Općinskom vijeću prijedlog rang-liste sanajboljim kandidatima za imenovanje predsjednika i dva člana Nadzornog odbora Javnog preduzeća "Ilidža" d.o.o. Općinsko vijeće utvrđuje prijedlog za imenovanje predsjednika i dva člana Nadzornog odbora i dostavlja ga Skupštini JP "Ilidža" d.o.o. koja vrši konačno imenovanje.

Broj: _____
____. _____ 2020. godine
Ilidža

Predsjedavajući
Muhamed Omerović, s. r.